

*Lumine te blando, Musas qua diligit, Eos
Adspicit, & roseis molliter afflat equis.
Mane novo juxta Musarum murmurat ades
Rauca Thetis, somnos & jubet esse breves.
Proximus est campus, studiis hic fessa Juventus
Se recreat, vires sumit & inde novas.
Phocis amor Phœbi fuit olim, Palladis Acte,
In te jam stabilem fixit uterque larem.]*

Abbatias, Prioratus, monasteria complura, regum præsertim liberalitate fundata, numerantur olim; instaurata vero Religione, primum annexa fuere coronæ Regiæ, dein nobilibus donata, à quibus hodie possidentur, tanquam feuda regalia.

Nobiles.

Nulla est Regni provincia, quæ plures habeat incolas nobiles; nam inter Comites numerantur Rothusius, Princeps familiæ amplissimæ de Leslie, hæreditarius vicecomes, vulgo Seriffus, seu præfectus juri dicundo, & rerum capitalium provinciæ: Cupri vero conveniunt incolæ omnis ordinis ad jus ab eo accipiendum, nisi quod in minoribus causis suo jure fruuntur oppida regalia. Moravius ex gente Stewartorum castrum ædificavit Duniberfel, cui adjacet hortus amœnissimus, qualem alium tota Scotia non habet, cum Baronia circumjacente. Mortonius Duglassius, Aberduriæ hæreditarius & alibi. Crafordius Lindesius, qui etiam judex est hæreditarius rerum criminalium Episcopatus S. Andreæ, complura habet amplissima castra, inter quæ eminet Struddera, adjunctum habens vivarium 4 vel 5 mill. conservandis cervis & damis commodissimum. Levinus ex gente Leslie, supremus nunc imperator exercitus Scotici, castrum habet Balgonniæ ad dextram Levini amnis. Kingornius, Princeps familiæ de Lyon, castrum antiquum Cornu Regis ad oppidum Kingornam, dirutum, cujus muri tantum superstites, possidet, easque terras acceperunt, cum ejus prædecessor Regis Rob. II. filiam uxorem haberet. Kellæus Princeps familiæ de Fenton, Kelli elegantissimam arcem possidet. Fermelodunensis comes de familia Seaton, in oppido cognomine. Wemefius, de Weems, amplissima possidet prædia, & complura castra. Southeskus de Carnagie castrum habet Leuchars. Dalhousæus de Ramsay ad Abbatis-aulam. Atque hi omnes Comites.

Vicecomes de Dudop, Scringierorum familiæ Princeps, Baroniam & castrum de Innerkithing possidet. Barones vero majores, qui castra & Baronias habent, numerantur, Sinclairus de Sinclair, Elphinston de Balmerino, Balfour de Burlæus, Leslie de Lundores, Melvinus de Melvill, Lyndesay de Baccarres, Murray de Balvarid.

Atque horum nobilium singuli locum & suffragium in supremis Comitibus Parliamentariis obtinent, inter nobiles majores, quos vulgo

Scotia.

Lords Scoti vocant. Hisce proximi sunt Toparchæ & minores Barones, quos vulgo *Smal Barons* & *Lairds* vocant, quibus in propriis territoriis jus furcæ & fossæ competit, quorum singuli suffragium olim obtinuerunt in supremis Regni Comitibus, & veniebant nomine libere tenentium in Capite de Domino Rege, nunc vero per duos à se deputatos comparent: & cum reliquis Baronum Regni deputatis Secundum Regni membrum in Comitibus faciunt: in territoriis suis pari jure fruuntur cum majoribus nobilibus.

Nobilium horum minorum cognomina aliquot subjunctus Catalogus exhibet, ordine Alphabetico, ne quis inferiorem sibi prælatum quæri possit:

Nobiles minores.

Achmultie, Arnot Farenay, Ayton, Anstruther, Areskin Endertill, Beatoun Balhom, Beatoun Creuz, Balfour Kimeare, Barclay Colernny, Balcanqual, Brace de Earles Hawl, Brace de Kearnock, Broun de Fordal, Boswell de Balmoutho, Colvill Cleish, Carstares Keinnocher, Crichtoun Lwydoun, Crichtoun Abercrombey, Cunningham Barns, Claphan Carslogie, Forbes Rires, Gibson Dwrie, Hamylton Kwanbrackmount, Halkhead Pithfirran, Henryson Fordel, Hay Nachton, Hope Crighal, Heriot Ramornie, Inglis, Kirkcaldy Grange, Kynninmont, Kynneir, Lyndsay Wormonston, Lesly Newton, Lundy alias Maitland, Lumfden Innergellan, Lermont Balcomye, Monipenny Pithmilly, Moncreiff Balcasey, Moncreiff Randerston, Melvill de Bruntyland, Myrtoun de Cambo, Makgill Rankillo, Orrok, Pitcairne Forthar, Preston Wallefield, Preston Ardrie, Sandilands S. Monans, Scott Scottis Tarvet, Scott Ardros, Scott Rosly, Scott Pitledy, Sibbet Rankillover, Wardlaw Pittrevie, Weymes Bogyn, Wood.

Portus Elyensis à Domino Guilielmo Scott Barone de Ardros ex lapidibus ita extractus est, ut cum Romanorum operibus certare possit, idque factum anno 1620, propriis suis sumptibus, sine ullo Burgorum adjumento.

Ad Tabulam F I F Æ,

Idem Auctor.

Vetustissimos hujus tractus incolas nostri Historici agnoscunt Pictos, quibuscum Dani de ejus possessione rem habuerunt: quod verosimile situs ipse Regionis facere videtur; projecta enim & in mare procurrens inter duo æstuaria, copiosa Regio hos prædones allexisse videtur, cum illi non hanc solum, sed quæcunque mare hoc attingunt avidè appetierint, à Pictis tamen retenta, & ab iis in jura Scotica cum eorum regno concessit.

Incolæ.

Vetus nomen Picticum interiit, & quemadmodum

N n

modum